



«ՅՈՒՔՈՄ» ՍՊԸ
ՀՀ, ք. Երևան, 0025
Մայրա-Նովա 40/1
Հեռ.՝ (+374) 60 44-44-44
Ֆաքս՝ (+374) 60 44-44-41
Էլ. փոստ՝ info@ucom.am
Վեբ կայք՝ www.ucom.am

"UCOM" LLC
40/1 Sayat-Nova Ave.
Yerevan 0025, Armenia
Phone: (+374) 60 44-44-44
Fax: (+374) 60 44-44-41
E-mail: info@ucom.am
Web: www.ucom.am

0300873

Պայմանագիր

Էլեկտրոնային հաղորդակցության ծառայությունների մատուցման մասին

N021/01/03/2012

ք. Երևան

«01» մարտի 2012թ.

«Յուքոմ» ՍՊԸ Ընկերությունը, ի դեմս ընկերության կոմերցիոն տնօրեն Արամ Բաքսեդյանի, որը գործում է N 002 լիազորագրի հիման վրա, այսուհետ՝ «Օպերատոր», մի կողմից, և Հայաստանի Հանրապետության Կառավարությանն առընթեր քաղաքացիական ավիացիայի գլխավոր վարչությունը, ի դեմս աշխատակազմի ղեկավար Սահակ Հակոբյանի, որը գործում է կանոնադրության հիման վրա, այսուհետ՝ «Բաժանորդ», մյուս կողմից (այսուհետ Բաժանորդը և Օպերատորը միասին՝ «Կողմեր»), կնքեցին սույն պայմանագիրը հետևյալի մասին:

1. Պայմանագրի առարկան

- 1.1. Սույն պայմանագրով Օպերատորը պարտավորվում է վճարի դիմաց Բաժանորդին մատուցել սույն պայմանագրի 1.2. կետում նշված ծառայությունները, իսկ Բաժանորդը պարտավորվում է վճարել այդ ծառայությունների համար՝ սույն Պայմանագրով սահմանված կարգով և ժամկետներում:
- 1.2. Օպերատորը պարտավորվում է Բաժանորդին մատուցել էլեկտրոնային հաղորդակցության ծառայություններ, որոնց նկարագրության, քանակի և սակագնային փաթեթների մասին տեղեկությունները ներկայացված են սույն Պայմանագրի անբաժանելի մասը կազմող Հավելված 1-ում (այսուհետ՝ «Ծառայություններ»):

2. Ծառայությունների մատուցման հիմնական պայմանները

- 2.1. Օպերատորի կողմից մատուցվող Ծառայությունները պատշաճ կերպով ստանալու համար սույն Պայմանագիրը ստորագրելուց հետո անհրաժեշտության դեպքում Օպերատորի կողմից Բաժանորդին է տրամադրվում Սարքը:
- 2.2. Սույն Պայմանագրի իմաստով «Սարք» է համարվում այն սարքավորումը կամ սարքավորումները, որոնց միջոցով Օպերատորը կազմակերպում կամ մատուցում է իր ծառայությունները:
- 2.3. Օպերատորի կողմից Սարքը տեղադրելուց, կարգաբերումից և այն Բաժանորդի տիրապետմանը հանձնելուց հետո Բաժանորդի և Օպերատորի միջև կնքվում է Սարքի

- հանձնման-ընդունման ակտ, որը հանդիսանում է սույն Պայմանագրի անբաժանելի մասը:
- 2.4. Օպերատորի կողմից տրամադրվող Սարքը, մալուխը և դրանց պատկանելիքներն ու մասերը, ինչպես նաև Օպերատորի կողմից կատարված ցանկացած փոփոխություն և/կամ վերանորոգում, եթե այլ բան գրավոր կերպով նախատեսված չէ Կողմերի միջև, համարվում է Օպերատորի սեփականությունը: Հետևաբար, Բաժանորդը չի կարող դրանք փոխանցել, վաճառել, արձակել, տրամադրել կամ փոփոխության ենթարկել: Պայմանագրի լուծման դեպքում Օպերատորի կողմից տրամադրված Սարքը և մալուխը վերադարձվում են Օպերատորին:
 - 2.5. Բաժանորդը պարտավոր է փոխհատուցել իր կողմից Սարքի անբարեխիղճ պահպանման, ոչ լիազորված վերանորոգման, Սարքի վրա տեղադրված հոլոգրաֆիկ տարբերանշանի կանխամատածված ջնջելու, փոփոխելու կամ այլ կերպ վնասելու հետևանքով Օպերատորին հասցված բոլոր վնասները:
 - 2.6. Օպերատորի աշխատակիցների կողմից տեղադրված Սարքերի կարգաբերման, տեղադրման, հանձնման, սպասարկման և այլ անհրաժեշտ աշխատանքների իրականացման բացառիկ իրավունքը պատկանում է միայն Օպերատորի աշխատակիցներին:
 - 2.7. Այն դեպքում, երբ Ծառայությունը մատուցվում է Օպերատորի կողմից տրամադրվող մալուխով, Բաժանորդը պատասխանատու է մալուխի շենք մանելու և շենքում մալուխի անցկացման թույլտվությունների ձեռքբերման համար:
 - 2.8. Ինտերնետ ծառայությունների միացման համար 50 (հիսուն) մետրը չգերազանցող օպտիկամանրաթելային մալուխի անցկացումն Օպերատորի կողմից իրականացվում է անվճար հիմունքներով, իսկ 50 (հիսուն) մետրը գերազանցող յուրաքանչյուր մետրի համար Բաժանորդից գանձվում է 400 (չորս հարյուր) ՀՀ դրամ:
 - 2.9. Հեռախոսակապի ծառայությունից օգտվելու դեպքում տրված հեռախոսահամարը/ները Բաժանորդին իրավունք չունի օգտագործել ՀՀ տարածքից դուրս՝ ելքային զանգեր կատարելու և մուտքային զանգեր ստանալու համար, քանի որ ՀՀ Հանրային Ծառայությունները Կարգավորող Հանձնաժողովի կողմից «Ցուքում» ՍՊԸ-ին տրված թիվ 0416 Լիցենզիայով Օպերատորն իրավասու է ծառայություններ մատուցել միայն ՀՀ տարածքում: Սույն պայմանը խախտելու հետևանքով Օպերատորին պատճառված ողջ վնասը Բաժանորդը պարտավորվում է ամբողջությամբ փոխհատուցել 3 (երեք) աշխատանքային օրվա ընթացքում:

3. Կողմերի իրավունքներն ու պարտականությունները

- 3.1. Օպերատորն իրավունք ունի՝
 - 3.1.1. Բաժանորդից պահանջել ժամանակին վճարելու սույն Պայմանագրով փաստացի մատուցված Ծառայությունների դիմաց,
 - 3.1.2. Բաժանորդի կողմից սույն Պայմանագրի պայմանների և կետերի խախտման դեպքում միակողմանի հրաժարվել Պայմանագրից և ապամոնաթել իր կողմից տեղադրված մալուխներն ու Սարքը՝ այդ մասին նախօրոք 7 (յոթ) օր առաջ տեղեկացնելով Բաժանորդին,
 - 3.1.3. մատուցված Ծառայությունների դիմաց վերջինիս կողմից պատշաճ վճարումներ չկատարելու դեպքում Բաժանորդին ժամանակավորապես անջատել ցանցից՝ մինչ

- վերջինիս կողմից գոյացած պարտքի ամբողջական մարումը,
- 3.1.4. դադարեցնել Շառայությունների մատուցումը և լուծել սույն Պայմանագիրը՝ Բաժանորդի կողմից ինտերնետ մուտքի հնարավորությունը ինտերնետի մյուս տերմինալների կամ բաժանորդների նկատմամբ վնասակար գործողությունների իրականացման նպատակով օգտագործելու, ինտերնետ ցանցի էթիկայի կանոններին հակասող գործողություններ իրականացնելու դեպքում, ինչպիսիք են SPAM-ի ուղարկումը, հակաօրենսդրական գործողություններ խրախուսող նյութերի տարածումը, ցանցում գտնվող համակարգիչների նկատմամբ ծրագրային կամ ապարատային ոտնձգությունները (հակերությունը):

3.2. Օպերատորը պարտավոր է՝

- 3.2.1. Շառայությունները մատուցել պատշաճ որակով՝ սույն Պայմանագրում ամրագրված պայմաններին և ժամկետներին համապատասխան,
- 3.2.2. սույն Պայմանագրի գործողության ընթացքում Շառայություններից օգտվելու համար Բաժանորդին հատկացնել Սարքը և/կամ կառարել համապատասխան ցանցային միացումներ՝ կապված Սարքի տեղադրման հետ,
- 3.2.3. Պայմանագրի կնքման պահից սկսած 15 (տասնհինգ) աշխատանքային օրվա ընթացքում Բաժանորդին տրամադրել Շառայությունները, եթե Շառայությունների տրամադրման ընթացքում ի հայտ չեն եկել անլուծելի տեխնիկական խնդիրներ,
- 3.2.4. ողջամիտ ժամկետում անհատույց իրականացնել Սարքի վերանորոգման, վերականգնման աշխատանքները՝ ի հայտ եկած Սարքի արտադրական խտանի դեպքում, և վերացնել ի հայտ եկած սխալներն ու անսարքությունները, եթե սղթերությունները գտնվում են Օպերատորի հսկողության տակ,
- 3.2.5. սակագների փոփոխությունների մասին Բաժանորդին տեղյակ պահել նոր սակագների կիրառումից առնվազն 30 (երեսուն) օր առաջ:

3.3. Բաժանորդն իրավունք ունի՝

- 3.3.1. պահանջել Օպերատորից Պայմանագրի կնքման պահից սկսած 15 (տասնհինգ) աշխատանքային օրվա ընթացքում իրեն տրամադրել սույն Պայմանագրի 1.2. կետում նշված Շառայությունները, եթե ծառայությունների տրամադրման ընթացքում ի հայտ չեն եկել անլուծելի տեխնիկական խնդիրներ,
- 3.3.2. պահանջել Օպերատորից իրեն տրամադրել անհրաժեշտ տեղեկատվություն՝ մատուցվող Շառայություններից ճիշտ և անվտանգ օգտվելու համար,

3.4. Բաժանորդը պարտավոր է՝

- 3.4.1. ժամանակին և սույն Պայմանագրով սահմանված կարգով վճարել փաստացի մատուցված Շառայությունների համար Հավելված 1-ով նախատեսված վճարը, անգամ եթե Օպերատորի հսկողությունից դուրս գտնվող տեխնիկական կամ այլ պատճառների հետևանքով, Բաժանորդը չի օգտվել Շառայություններից, կամ եթե վերջինս չի կարողացել կարգաբերել սեփական ցանցը և ապահովել Շառայությունների որակյալ ընդունումը,
- 3.4.2. սույն Պայմանագրով սահմանված ժամկետում չվճարելու դեպքում վճարել տույժ՝

յուրաքանչյուր ուշացված օրվա համար ամսական վճարի 0,05 (զրո ամբողջ հինգ հարյուրերորդական) տոկոսի չափով,

4. Ծառայությունների մատուցման կասեցումը, դադարեցումը և վերաակտիվացումը

- 4.1. Օպերատորն իրավունք ունի կասեցնել, սահմանափակել կամ դադարեցնել Բաժանորդին մատուցվող Ծառայությունները՝ առանց այդ մասին վերջինիս ծանուցման, եթե Բաժանորդը՝
 - 4.1.1. օգտագործել է չսերտիֆիկացված և/կամ Օպերատորի ցանցի հետ անհամատեղելի կամ ցանցի պատշաճ աշխատանքին խոչընդոտող սարք,
 - 4.1.2. խախտել է սույն Պայմանագրի պայմանները կամ գործող օրենսդրության պահանջները,
- 4.2. Բաժանորդը կարող է անվճար կարգով ժամանակավորապես կասեցնել/դադարեցնել մատուցվող ծառայությունները 10 (տասը) օրից մինչև 2 (երկու) ամիս ժամկետով՝ Օպերատորին ներկայացնելով համապատասխան դիմումը և վճարելով մինչ այդ օրն իրեն մատուցված Ծառայությունների դիմաց:
- 4.3. Բաժանորդի կողմից դիմումում նշված Ծառայությունների մատուցումը ժամանակավորապես կասեցնելու/դադարեցնելու ժամկետը լրանալուց հետո Բաժանորդին մատուցվող Ծառայություններն ավտոմատ կերպով վերսկսվում են: Եթե Բաժանորդը ցանկանում է ժամանակավորապես կասեցնել/դադարեցնել իրեն մատուցվող Ծառայություններն ավելի քան երկամսյա ժամկետով, ապա նա համապատասխան դիմումը ներկայացնելուց հետո պարտավոր է Օպերատորին հետ վերադարձնել Սարքը՝ կատարելով համապատասխան վճարումներ, եթե այդպիսիք սահմանված են Օպերատորի կողմից, այդ թվում՝ վճարային պարտքը, տույժերը, Օպերատորի կողմից կատարված աշխատանքների և այլ փաստացի կատարված ծախսերի դիմաց վճարները:

5. Ծառայությունների գինը և վճարման կարգը

- 5.1. Հավելված 1-ով սահմանված ընդհանուր ամսական Ծառայության համար Բաժանորդը վճարումը կատարում է Օպերատորի կողմից ներկայացված հաշիվ-ապրանքագրի հիման վրա՝ հաշիվ ապրանքագիրը ստանալուց հետո 15 (տասնհինգ) օրվա ընթացքում:
- 5.2. Ծառայության մատուցման ամսվա ընթացքում Օպերատորի մեղքով (Օպերատորի ցանցի անսարքությունների, հնարավոր անջատումների) և առաջացած թերությունների ընդհանուր ժամանակահատվածը, որը հաշվառվում է Օպերատորի անսարքության քարտերի համակարգում, չպետք է գերազանցի ամսական թույլատրելի սահմանաչափը՝ 16 (տասնվեց) ժամը: Ամսական այդ թույլատրելի սահմանաչափը գերազանցող ժամանակահատվածի համար կատարվում է Ծառայության ամսական վճարի նվազեցում, որը հաշվարկվում է հետևյալ բանաձևով.

$$\text{ՊԳ} = \frac{\text{ԾԱԱԻԳԺ}}{\text{ՄԱԺ}}$$

Որտեղ՝

ՊԳ - Ծառայությունների ամսական վճարից նվազեցվող գումար

ԾԱԱ - Ծառայությունների ամսական արժեք

ՄԱԺ - Միջին ամսական ժամերի քանակ, որը հավասար է 729.6 (30.4 /միջին ամսական օրերի թիվ/ x 24 /1 օրվա ժամերի քանակ/)

ԳԺ - Ամսական թույլատրելի սահմանաչափը գերազանցել ժամերի քանակ:

6. Կողմերի պատասխանատվությունը

- 6.1. Օրենքի թույլատրելի սահմաններում Կողմերը սույնով հրաժարվում են միմյանց անուղղակի վնասների և բաց թողնված օգուտների հատուցման պահանջներից: Ցանկացած պարագայում Օպերատորի պատասխանատվությունը յուրաքանչյուր Բաժանորդի մասով չի կարող գերազանցել տվյալ Բաժանորդին մատուցվող Ծառայությունների դիմաց տվյալ ամսվա համար գանձվող ամսական գումարի՝ Օպերատորի մեղքով Ծառայություններից օգտվելու անհնարինության ժամկետին համամասնորեն հաշվարկված գումարը:
- 6.2. Եթե Բաժանորդը խուսափում է և սույն պայմանագրով նախատեսված դեպքերում 7 (յոթ) օրյա ժամկետում՝ Սարքը, մալուխը, ինչպես նաև դրանց պատկանելիքներն ու մասերը հետ չի վերադարձնում Օպերատորին, ապա Բաժանորդը պարտավոր է յուրաքանչյուր ուշացված օրվա համար Օպերատորին որպես տույժ վճարել 1000 (հազար) ՀՀ դրամ:
- 6.3. Օպերատորը պատասխանատվություն չի կրում.
 - 6.3.1. դժբախտ պատահարի կամ իր գործընկերների /այդ թվում՝ օտարերկրյա/ կամ գործակալների միջոցով փոխանցվող ազդանշանների կամ մատուցվող ծառայությունների խափանման կամ դադարեցման հետևանքով առաջացած ընդհատումների, անջատումների, խափանումների կամ որոշակի տեսակի Ծառայությունների, Սակագնային Պլանների/Փաթեթների մեջ կատարված փոփոխությունների համար,
 - 6.3.2. Բաժանորդին պատկանող համակարգչի/ների կամ այլ սարքավորման/ումների անսարքության պատճառով Ծառայությունների պատշաճ չընդունման կամ ընդհատման համար,
 - 6.3.3. աշխատանքների, մասնավորապես՝ ընթացիկ, ցանցի ամրապնդման, պահպանման, ընդարձակման կամ վերանորոգման հետևանքով առաջացած ընդհատումների և խափանումների համար, եթե դրանք չեն գերազանցում ամսական 16 (տասնվեց) ժամը:
- 6.4. Օպերատորը ոչ մի վերահսկողություն չի իրականացնում իր ցանցով տեղափոխվող տեղեկատվության նկատմամբ և պատասխանատու չէ Բաժանորդի կողմից ստացված տեղեկատվության և բովանդակության ճշտության համար: Օպերատորի ցանցի միջոցով տեղափոխվող ցանկացած տեղեկատվություն կամ բովանդակություն օգտագործվում է Բաժանորդի ռիսկով և պատասխանատվությամբ.
- 6.5. Օպերատորը պատասխանատվություն չի կրում SPAM-ի, հակերային գործունեության, վիրուսների փոխանցման և դրա հետևանքով Բաժանորդին պատճառված վնասների համար:
- 6.6. Բաժանորդն իրավունք չունի այլ անձի օտարել կամ փոխանցել սույն պայմանագրով ստանձնած իր իրավունքներն ու պարտականությունները և Բաժանորդն է Օպերատորի համար հանդիսանում միակ պատասխանատուն՝ սույն պայմանագրով ստանձնած իր պարտավորությունների չկատարման կամ ոչ պատշաճ կատարման, վճարումները

- ժամանակին չվճարելու, ինչպես նաև Օպերատորին պատճառված իրական վնասի համար:
- 6.7. Օպերատորը պատասխանատվություն չի կրում վճարումներն ընդունող միջնորդի կողմից սահմանված կանոնների համաձայն որևէ լրացուցիչ միջնորդավճարի գանձման համար:
- 6.8. Բաժանորդը պատասխանատու է նաև Սարքն օգտագործելու համար իրեն փոխանցված կամ Սարքին միացված սարքավորումների, մալուխների, լարերի և այլ պարագաների համար: Եվ դրանց փչացման, սխալ օգտագործման, կորստի, վնասվածքի կամ հափշտակության դեպքում պարտավոր է Օպերատորին փոխհատուցել դրանց դիմաց:

7. Պայմանագրի գործադրության ժամկետը

- 7.1. Սույն Պայմանագիրը գործում է ուժի մեջ մտնելուց մեկ ամիս փոխանցված: Պայմանագրի ժամկետը լրանալուց ոչ ուշ, քան 15 (տասնհինգ) օր առաջ մյուս Կողմին պայմանագիրը լուծելու մասին գրավոր կերպով չտեղեկացնելու դեպքում Պայմանագրի ժամկետը երկարաձգվում է եւ 1 (մեկ) տարով: Երկարաձգումների քանակը սահմանափակված չէ:
- 7.2. Սույն Պայմանագիրը կարող է վաղաժամկետ լուծվել Կողմերից որևէ մեկի նախաձեռնությամբ: Նախաձեռնող Կողմը պարտավոր է այդ մասին գրավոր ծանուցում ուղարկել մյուս Կողմին առնվազն 30 (երեսուն) օր առաջ:
- 7.3. Սույն Պայմանագրի անբաժանելի մասը կազմող Հավելված 1-ում նշված մատուցվող Ծառայությունների հոսքեր/ների փոփոխության դեպքում Բաժանորդը պարտավորվում է առնվազն 15 (տասնհինգ) օր առաջ այդ մասին ծանուցել Օպերատորին:
- 7.4. Պայմանագրի գործադրության դադարեցումը Կողմերին չի ազատում միմյանց նկատմամբ Պայմանագրի գործադրության ընթացքում առաջացած պարտավորությունների կատարումից:

8. Անհատթանադրելի ուժի ազդեցությունը (Ֆորս-մաժոր)

- 8.1. Սույն Պայմանագրով պարտավորությունները մասնակիորեն կամ ամբողջությամբ չկատարելու համար Կողմերն ազատվում են պատասխանատվությունից, եթե դա եղել է անհատթանադրելի ուժի ազդեցության արդյունք, որը ծագել է սույն Պայմանագիրը կնքելուց հետո և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, սաբոտաժը, պետական մարմինների ակտերը և այլն, որոնք անհնարին են դարձնում սույն Պայմանագրով սահմանված պարտականությունների կատարումը:
- 8.2. Եթե արտակարգ ուժի ազդեցությունը շարունակվում է 3 (երեք) ամսից ավել, ապա Կողմերից յուրաքանչյուրն իրավունք ունի լուծել Պայմանագիրը՝ այդ մասին նախապես գրավոր ծանուցելով մյուս Կողմին:

9. Եզրափակիչ դրույթներ

- 9.1. Սույն Պայմանագիրն ուժի մեջ է մտնում այն ստորագրելու և կնքելու պահից:
- 9.2. Պայմանագրի ցանկացած փոփոխություն կամ լրացում կատարվում է գրավոր՝ Կողմերի փոխադարձ համաձայնությամբ և կազմում է Պայմանագրի անբաժանելի մասը:
- 9.3. Կողմերը պարտավորվում են միջոցներ ձեռնարկել մյուս Կողմի կոնֆիդենցիալ տեղեկատվության գաղտնիության պահպանման համար և չհրապարակել, այն երրորդ անձանց առանց մյուս Կողմի գրավոր համաձայնության՝ բացառությամբ ՀՀ օրենսդրությամբ սահմանված դեպքերի:
- 9.4. Կողմերն իրավունք չունեն սույն Պայմանագրի շրջանակներում ստանձնած իրավունքներն ու պարտականությունները փոխանցել երրորդ անձի՝ առանց մյուս Կողմի գրավոր համաձայնության:
- 9.5. Սույն Պայմանագրի շրջանակում Կողմերի միջև ծագած վեճերը և տարաձայնությունները լուծվում են բանակցությունների միջոցով 5 (հինգ) աշխատանքային օրվա ընթացքում: Համաձայնություն ձեռք չբերելու դեպքում յուրաքանչյուր Կողմ իրավունք ունի վեճերի լուծումը հանձնել ՀՀ տարածքում իրավասու դատարանի քննությանը:
- 9.6. Սույն Պայմանագիրը կազմված է հայերեն լեզվով 2 (երկու) հավասար իրավաբանական ուժ ունեցող օրինակներից: Ցուրաքանչյուր Կողմին տրվում է մեկական օրինակ:

10. Կողմերի վավերապայմանները և ստորագրությունները

Օպերատոր

Բաժանորդ

«Յուրոմ» ՍՊԸ

Իր. հասցե՝ ք. Երևան, Տեղյան 19, բն.4

Գործ. հասցե՝ ք. Երևան, Մայաթ-Նովա 40/1

Հեռ.՝ 374 60 444444


Ֆաքս՝ 374 60 444441

ՀՎՀՀ 00024873

«Էյչ-Էս-Բի-Սի Բանկ Հայաստան» ՓԲԸ

Հ/Հ 001-264993-001

Կոմպյուտերային ստորագրություն



Հայաստանի Հանրապետության

Կառավարությանն առնթրելու քաղաքացիական

ավիացիայի գլխավոր վարչություն

Իր. հասցե՝ ք. Երևան 0042, Զվարթնոց

օդանավակայան


Գործ. հասցե՝ ք. Երևան 0042, Զվարթնոց

օդանավակայան

Հեռ.՝ 010239030, 055255525

ՀՎՀՀ 01204231

աշխատակազմի ղեկավար



Ս. Հակոբյան

Սույն Հավելված 1-ը հանդիսանում է
 «Էլեկտրոնային հաղորդակցության ծառայությունների մատուցման մասին»
 թիվ 021/01/03/2012
 Գնքված 01.03.2012
 Պայմանագրի անբաժանելի մասը

Հավելված 1
«Ծառայության նկարագիրը, քանակը և սակագները»

ք. Երևան

«01» մարտի 2012թ.

1. Տրամադրվող Ծառայություններ

N	Արագություն / քանակ	Ամսավճար ՀՀ դրամ	Հասցեներ
1	Ս!ner SoHo Extra Ինտերնետ 9 Մբթ/վ	58300	ք. Երևան, Զվարթնոց օ/կ

2. Ծառայությունների սակագները

2.1. Ծառայությունների ամսական վճարը կազմում է 58300 (հիսունութ հազար երեք հարյուր) ՀՀ դրամ (ներառյալ ԱԱՀ):

Օպերատոր

Բաժանորդ



«Յուրոմ» ՍՊԸ
 Իր. հասցե՝ ք. Երևան, Տեղյան 19, բն.4
 Գործ. հասցե՝ ք. Երևան, Սայաթ-Նովա 40/1
 Հեռ.՝ 374 60 444444
 Ֆաքս՝ 374 60 444441
 ՀՎՀՀ 00024873
 «Էլչ-Էս-Բի-Սի Բանկ Հայաստան» ՓԲԸ
 Հ/Հ 001-264993-001

Հայաստանի Հանրապետության
 Կառավարությանն առընթեր քաղաքացիական
 ավիացիայի գլխավոր վարչություն
 Իր. հասցե՝ ք. Երևան 0042, Զվարթնոց
 օդանավակայան
 Գործ. հասցե՝ ք. Երևան 0042, Զվարթնոց
 օդանավակայան
 Հեռ.՝ 010239030, 055255525
 ՀՎՀՀ 01204231

Կոնքրետ անօրեն

Արշալույս Բաժանորդի ղեկավար՝

Ս. Հակոբյան



0300873

Համաձայնագիր

«Էլեկտրոնային հաղորդակցության ծառայությունների մատուցման մասին» թիվ 021/01/03/2012 Պայմանագրում և դրա Հավելված 1-ում լրացումներ և փոփոխություններ կատարելու վերաբերյալ

ք. Երևան

«13» Հոկտեմբեր 2015թ.

«Յուքոմ» ՍՊԸ-ն, ի դեմս ընկերության փոխտնօրեն Արամ Բարսեղյանի, ով գործում է N 002/14 լիազորագրի հիման վրա, այսուհետ՝ «Օպերատոր», մի կողմից, և ՀՀ ԿԱ Քաղաքացիական ավիացիայի գլխավոր վարչություն, ի դեմս աշխատակազմի ղեկավար Սահակ Հակոբյանի, ով գործում է կանոնադրության հիման վրա, այսուհետ՝ «Բաժանորդ», մյուս կողմից (այսուհետ միասին՝ «Կողմեր», իսկ առանձին՝ «Կողմ»), ղեկավարվելով Կողմերի միջև 01/03/2012 թ. կնքված «Էլեկտրոնային հաղորդակցության ծառայությունների մատուցման մասին» թիվ 021/01/03/2012 պայմանագրով (այսուհետ՝ «Պայմանագիր»), կնքեցին սույն համաձայնագիրը հետևյալի մասին.

1. Հետագա համագործակցության նպատակով՝ Կողմերը փոխադարձ համաձայնությամբ որոշեցին.

1.1. Պայմանագրի 1-ին կետում ավելացնել հետևյալ ենթակետը.

«Աշխարհագրական սկզբունքով տրամադրվող ֆիքսված հեռախոսակապի ծառայությունից օգտվելու դեպքում Բաժանորդը պարտավորվում է իրեն տրամադրված հեռախոսահամարն օգտագործել այն աշխարհագրական տարածքում, որի համար, համաձայն ՀՀ Հանրային ծառայությունները կարգավորող հանձնաժողովի 20.12.2012թ. թիվ 540Ա որոշման, հատկացված է տվյալ տարածքային կոդը: Սույն կետը խախտելու դեպքում Բաժանորդը պարտավորվում է Օպերատորին ամբողջությամբ փոխհատուցել վերջինիս կրած բոլոր վնասները՝ Օպերատորի կողմից այդ մասին Բաժանորդին ծանուցելուց հետո 7 (յոթ) օրվա ընթացքում:»:

1.2. Պայմանագրի անբաժանելի մաս կազմող Հավելված 1-ի 1-ին կետը շարադրել հետևյալ կերպ.

1. Տրամադրվող ծառայություն(ներ)՝

N	Նկարագրություն	Ամսավճար (ՀՀ դրամ)	Հասցեներ
1	U!Net SoHo Starter ինտերնետ 3 մբթ/վ	15.000	ք. Երևան, Զվարթնոց 42 օդանավակայան
2	U!TV Full Corporate	8.500	ք. Երևան, Զվարթնոց 42 օդանավակայան
3	U!TV Full Corporate	8.500	ք. Երևան, Զվարթնոց 42 օդանավակայան
4	U!TV Full Corporate	8.500	ք. Երևան, Զվարթնոց 42 օդանավակայան
5	U!TV Full Corporate	8.500	ք. Երևան, Զվարթնոց 42 օդանավակայան
6	U!TV Full Corporate	8.500	ք. Երևան, Զվարթնոց 42 օդանավակայան

1.3. Պայմանագրի Հավելված 1-ի 2.1 կետը շարադրել հետևյալ խմբագրությամբ. «Ծառայության (Ծառայությունների) ամսական վճարը կազմում է 57.500 (հիսուկյոթ հազար հինգ հարյուր) ՀՀ դրամ, ներառյալ ԱԱՀ»:

1.4. Պայմանագրի մյուս կետերը թողնել անփոփոխ:

2. Սույն համաձայնագիրը կազմում է Պայմանագրի անբաժանելի մասը:
3. Սույն համաձայնագրի պայմանները կիրառվում են մինչև սույն համաձայնագրի կնքելն 22.03.2012 թ-ից կողմերի միջև ծագած հարաբերությունների նկատմամբ:
4. Սույն համաձայնագիրը կազմված է հայերեն լեզվով, երկու օրինակից, որոնք ունեն հավասար իրավաբանական ուժ: Յուրաքանչյուր Կողմին տրվում է մեկական օրինակ:

Օպերատոր

Բաժանորդ

«Յուրոմ» ՍՊԸ

Իր. հասցե՝ ք. Երևան, Տերյան 19, բն.4

Գործ. հասցե՝ ք. Երևան, Սայաթ-Նովա 40/1

Հեռ.՝ +374 60 444444


Ֆաքս՝ +374 60 444441

ՀՎՀՀ 00024873

«ԷյՋ-Էս-Բի-Սի Բանկ Հայաստան» ՓԲԸ

Հ/Հ 001-264993-001

Փոխանորդ



Ա. Բարսեղյան

ՀՀ ԿԱ Քաղաքացիական ավիացիայի գլխավոր վարչություն

Իր. հասցե՝ ք. Երևան, Զվարթնոց 42

Գործ. հասցե՝ ք. Երևան, Զվարթնոց 42

Հեռ.՝ 091415064

ՀՎՀՀ 01204231

Աշխ. ղեկավար՝



Ս. Հակոբյան

Համաձայնագիր

«Էլեկտրոնային հաղորդակցության ծառայությունների մատուցման մասին» թիվ 021/01/03/2012 պայմանագրում
փոփոխություններ կատարելու վերաբերյալ

ք. Երևան

26 հունվարի 2017թ.

«Յուրբոմ» ՍՊԸ-ն, ի դեմս ընկերության կորպորատիվ վաճառքի բաժնի ղեկավար Կ.Ասատուրյանի, ով գործում է լիազորագրի հիման վրա, այսուհետ՝ «Օպերատոր», մի կողմից, և ՀՀ ԿԱ Քաղաքացիական ավիացիայի գլխավոր վարչությունը, ի դեմս աշխատակազմի ղեկավար Արսեն Մանուկյանի, ով գործում է կանոնադրության հիման վրա, այսուհետ՝ «Բաժանորդ», կնքեցին սույն համաձայնագիրը հետևյալի մասին.

1. Հետագա համագործակցության նպատակով՝ Կողմերը փոխադարձ համաձայնությամբ որոշեցին.

1.1. Պայմանագրի անբաժանելի մաս կազմող Հավելված 1-ի 1-ին կետը շարադրել հետևյալ կերպ.

1.Տրամադրվող ծառայություն(ներ)՝

N	Նկարագրություն	Ամսավճար (ՀՀ դրամ)	Հասցեներ
1	U!TV Full Corporate 5*8500	42500	ք.Երևան 42, Զվարթնոց օդանավակայան

1.2. Պայմանագրի Հավելված 1-ի 2.1. կետը շարադրել հետևյալ խմբագրությամբ. «Ծառայության (Ծառայությունների) ամսական վճարը կազմում է 42500 (քառասուներկու հազար հինգ հարյուր) ՀՀ դրամ, ներառյալ ԱԱՀ»:

1.3. Պայմանագրի մյուս կետերը թողնել անփոփոխ:

- Սույն համաձայնագիրը կազմում է Պայմանագրի անբաժանելի մասը:
- Սույն համաձայնագիրն ուժի մեջ է մտնում ստորագրման պահից:
- Սույն համաձայնագիրը կազմված է հայերենով, երկու օրինակից, որոնք ունեն հավասար իրավաբանական ուժ: Յուրաքանչյուր Կողմին տրվում է մեկական օրինակ:

Օպերատոր

Բաժանորդ

«Յուրբոմ» ՍՊԸ

Իրավ. հասցե՝ ք.Երևան, Տեղյան 19, բն.4

Գործ. հասցե՝ ք.Երևան, Գ.Լուսավորիչ 9

Հեռ.՝ 374 11 400400

Ֆաքս՝ 374 60 444441

ՀՎՀՀ 00024873

«Ամերիաբանկ» ՓԲԸ

Հ/Հ 1570043102134100

ՀՀ ԿԱ Քաղաքացիական ավիացիայի գլխավոր
վարչություն

Իրավ. հասցե՝ ք.Երևան-42, Զվարթնոց

օդանավակայան

Գործ. հասցե՝ ք.Երևան-42, Զվարթնոց

օդանավակայան

ՀՎՀՀ՝ 01204231

Հեռ.՝ 010593125

Կորպորատիվ վաճառքի բաժնի ղեկավար՝

Աշխատակազմի ղեկավար՝



Կ.Ասատուրյան



Ա.Մանուկյան